



მართვისა და საზოგადოებრივ მეცნიერებათა სკოლა მართვისა და საზოგადოებრივი მეცნიერებების საბაკალავრო პროგრამა

პროგრამის სახელწოდება

მართვა და საზოგადოებრივი მეცნიერებები

მისანიჭებელი კვალიფიკაცია

სოციალური მეცნიერებების ბაკალავრი

სწავლების მოცულობა კრედიტებით

240 ECTS

სწავლების ენა

ქართული

პროგრამის მიზანი

მართვისა და საზოგადოებრივი მეცნიერებების საბაკალავრო პროგრამის მიზნებია:

- სტუდენტს ჰქონდეს კარგი და თანამედროვე ზოგადი განათლება.
- სტუდენტი ფლობდეს სოციალური მეცნიერებების მიმართულებების - ეკონომიკის, ფსიქოლოგიის, სოციოლოგიის თუ კულტურის კვლევების, პოლიტიკის მეცნიერებების - შესახებ ცოდნას.
- სტუდენტს შეძლოს სოციალურ მეცნიერებათა შორის საკუთარი ინტერესების აღმოჩენა და განვითარება.
- სტუდენტმა განივითაროს პრობლემის კონტექსტური და მრავალმხრივი დანახვისა და ანალიზის უნარი, დაინახოს ესა თუ ის საკითხი თუ პრობლემა ისტორიულ, პოლიტიკურ, ხელოვნების, ლიტერატურულ და რელიგიურ ჭრილში.

- სტუდენტი ფლობდეს კვლევის დაგეგმვისთვისა და განხორციელებისათვის საჭირო ცოდნასა და უნარებს.
- სტუდენტმა გამოიმუშაოს შემოქმედებითი და აკადემიური წერის, ასევე ორიგინალური კვლევის წერილობით შესრულების და კვლევის შედეგების ეფექტიანად წარდგენის უნარი.
- სურვილის შემთხვევაში, კურსდამთავრებულმა შეძლოს სწავლა განაგრძოს შემდგომი დონის საგანმანათლებლო პროგრამაზე.

დასაქმების სფეროები

საბაკალავრო პროგრამის დასრულების შემდეგ კურსდამთავრებულს საშუალება ექნება იმუშაოს ქვემოთ ჩამოთვლილ სფეროებში:

- არასამთავრობო და საერთაშორისო ორგანიზაციები (პროექტების მართვა, კვლევები)
- მასმედია (ჟურნალისტიკა, პუბლიცისტიკა)
- საკონსულტაციო კომპანიები (ანალიტიკოსები)
- კერძო სექტორი (საკუთარი ბიზნესი, პროექტი, კვლევა)
- სახელმწიფო ორგანიზაციები (სამინისტროები, პარლამენტი, დიპლომატიური სამსახური)
- საგანმანათლებლო დაწესებულებები

პროგრამაზე დაშვების წინაპირობა

მართვისა და საზოგადოებრივი მეცნიერებების საბაკალავრო პროგრამაზე დაშვება ხორციელდება საქართველოს კანონმდებლობის შესაბამისად.

საბაკალავრო პროგრამით სწავლის უფლება აქვს სრული ზოგადი განათლების დამადასტურებელი სახელმწიფო დოკუმენტის მფლობელს ან მასთან გათანაბრებულ პირს, რომელმაც "უმაღლესი განათლების შესახებ" საქართველოს კანონისა და საქართველოს განათლებისა და მეცნიერების მინისტრის 2011 წლის 18 თებერვლის N19/6 ბრძანებით დამტკიცებული ერთიანი ეროვნული გამოცდების ჩატარების დებულების შესაბამისად, მოიპოვა უფლება ისწავლოს თბილისის თავისუფალ უნივერსიტეტში.

აბიტურიენტების ხელშეწყობისა და სტუდენტების მობილობის მიზნით უმაღლეს საგანმანათლებლო დაწესებულებაში სწავლა ერთიანი ეროვნული გამოცდების გავლის გარეშე, სამინისტროს მიერ დადგენილი წესით და დადგენილ ვადებში დასაშვებია:

ა) უცხო ქვეყნის მოქალაქეებისა და მოქალაქეობის არმქონე პირებისთვის, რომლებმაც უცხო ქვეყანაში მიიღეს სრული ზოგადი ან მისი ეკვივალენტური განათლება, ან უცხო ქვეყნის მოქალაქეებისა და მოქალაქეობის არმქონე პირებისთვის (გარდა იმ პირებისა, რომლებიც იმავდროულად საქართველოს მოქალაქეები არიან), რომლებმაც საქართველოში მიიღეს სრული ზოგადი ან მისი ეკვივალენტური განათლება საქართველოს მიერ აღიარებული უცხო ქვეყნის ან საერთაშორისო პროგრამების მიხედვით.

ბ) საქართველოს მოქალაქეებისათვის, რომლებმაც უცხო ქვეყანაში მიიღეს სრული ზოგადი განათლება ან მისი ეკვივალენტური განათლება და რომლებიც სრული ზოგადი განათლების ბოლო 2 წელს სწავლობდნენ უცხო ქვეყანაში.

გ) უცხო ქვეყნის მოქალაქეებისათვის (გარდა ერთობლივი უმაღლესი საგანმანათლებლო პროგრამის მონაწილე სტუდენტებისა და გაცვლითი საგანმანათლებლო პროგრამის მონაწილე სტუდენტებისა), რომლებიც სწავლობენ/სწავლობდნენ და მიღებული აქვთ კრედიტები/კვალიფიკაცია უცხო ქვეყანაში ამ ქვეყნის კანონმდებლობის შესაბამისად აღიარებულ უმაღლეს საგანმანათლებლო დაწესებულებაში.

დ) საქართველოს მოქალაქეებისათვის (გარდა ერთობლივი უმაღლესი საგანმანათლებლო პროგრამის მონაწილე სტუდენტებისა და გაცვლითი საგანმანათლებლო პროგრამის მონაწილე სტუდენტებისა), რომლებიც სამინისტროს მიერ განსაზღვრული ვადით ცხოვრობენ/ცხოვრობდნენ, სწავლობენ/სწავლობდნენ და მიღებული აქვთ კრედიტები/კვალიფიკაცია უცხო ქვეყანაში ამ ქვეყნის კანონმდებლობის შესაბამისად აღიარებულ უმაღლეს საგანმანათლებლო დაწესებულებაში.

საგანმანათლებლო პროგრამაზე ჩარიცხვა, ასევე შესაძლებელია მობილობის წესით, საქართველოს განათლებისა და მეცნიერების მინისტრის 2010 წლის 4 თებერვლის N10/6 ბრძანებით დამტკიცებული უმაღლესი საგანმანათლებლო დაწესებულებიდან სხვა უმაღლეს საგანმანათლებლო დაწესებულებაში გადასვლის წესის შესაბამისად.

საგანმანათლებლო პროგრამაზე ჩარიცხვის დროს, მხედველობაში მიიღება კანონმდებლობის მოქმედი რედაქცია.

სწავლის შედეგები

მართვისა და საზოგადოებრივი მეცნიერებების საბაკალავრო პროგრამის წარმატებით დასრულების შემთხვევაში:

1. კურსდამთავრებულს გააზრებული აქვს, თუ რა არის ბუნება, საზოგადოება, ადამიანი და ხელოვნება; შეუძლია რაოდენობრივი აზროვნება; ფლობს პროფესიული განვითარებისათვის საჭირო მრავალმხრივ საბაზისო ცოდნასა და უნარ-ჩვევებს, რაც შეთავაზებულია საუნივერსიტეტო ზოგადი განათლების მოდულით; იღებს მორალური ღირებულებების საფუძველზე ეთიკურ გადაწყვეტილებებს და აცნობიერებს სამყაროს და საზოგადოების მრავალფეროვნებას.
2. კურსდამთავრებულს აქვს სოციალურ მეცნიერებების ცალკეული დარგების საბაზისო ცოდნა: ეკონომიკის, პოლიტიკის მეცნიერების, ფსიქოლოგიის, სოციოლოგიის და კულტურის კვლევების. ასევე, გააზრებული აქვს სოციალური მეცნიერებების ინტერდისციპლინური საკითხები და პრობლემები.
3. კურსდამთავრებულმა იცის ფილოსოფიური აზრის ისტორია ანტიკურობიდან თანამედროვეობამდე და შეუძლია მისი კონტექსტუალიზაცია და აპლიკაცია.
4. კურსდამთავრებული ერკვევა პოლიტიკურ თეორიებსა და სისტემებში და კომპეტენტურად მსჯელობს მიმდინარე პოლიტიკურ და ეკონომიურ პროცესებზე.
5. კურსდამთავრებულს ესმის თანამედროვე ციფრული ტექნოლოგიების მნიშვნელობა და ფლობს კოდის წერის საფუძვლებს. საჭიროების შემთხვევაში, აქვს ბაზა, რომ მომავალში შეძლოს ციფრული ტექნოლოგიების კვლევის პროცესში აპლიკაცია.
6. კურსდამთავრებული გეგმავს კვლევას, იყენებს რაოდენობრივი თუ თვისებრივი კვლევის მეთოდებს, ახორციელებს მას და აანალიზებს მიღებულ შედეგებს. ამასთან, შეუძლია დამოუკიდებლად აწარმოოს თეორიული კვლევა, ქართულ ენაზე დაწეროს კვლევითი ნაშრომი აკადემიური ნორმების სრული დაცვით.
7. კურსდამთავრებული თავისუფლად კითხულობს სამეცნიერო ლიტერატურას ინგლისურ ენაზე. ინგლისურად აანალიზებს და წარმართავს ტექსტზე დისკუსიას და ინგლისურადვე ასრულებს ნაშრომს.
8. კურსდამთავრებული დამოუკიდებლად გეგმავს და მართავს მცირე მოცულობის პროექტებს.
9. კურსდამთავრებული გეგმავს საკუთარ კარიერას სწავლის დასრულების შემდეგ და აქვს პოტენციურ დამსაქმებელთან გასაუბრების წარმართვის გამოცდილება.

სწავლებისა და სწავლის მეთოდები

სწავლის შედეგების მისაღწევად თითოეული კურსის მიზნიდან გამომდინარე, განსაზღვრულია შესაბამისი სწავლისა და სწავლების მეთოდი. მართვისა და საზოგადოებრივი მეცნიერებების საბაკალავრო პროგრამის ფარგლებში, როგორც წესი, გამოიყენება სწავლების შემდეგი მეთოდები:

- სწავლების ვერბალური მეთოდი
- ლიტერატურასა და პუბლიკაციებზე მუშაობის მეთოდი
- წერიტი მუშაობის მეთოდი
- ჯგუფური მუშაობა
- პრობლემაზე დაფუძნებული სწავლების მეთოდი
- დემონსტრირების მეთოდი
- ინდუქციური მეთოდი
- დედუქციური მეთოდი
- ანალიზის მეთოდი
- სინთეზის მეთოდი
- პრაქტიკული მეთოდები
- ახსნა-განმარტებითი მეთოდი
- ინტერაქციული მეთოდი
- შედარებითი მეთოდი
- ქმედებაზე ორიენტირებული სწავლება
- თანამშრომლობითი სწავლება
- დისკუსია/დებატები
- გონებრივი იერიში

აკადემიური თავისუფლების ფარგლებში, ლექტორი უფლებამოსილია გამოიყენოს ისეთი სწავლების და სწავლის მეთოდი, რომელიც არ არის გათვალისწინებული პროგრამით. განსხვავებული მეთოდის გამოყენების შემთხვევაში, მის შესახებ ინფორმაცია უნდა იყოს აღნიშნული სილაბუსში.

მიღწეული სწავლის შედეგების გაზომვისას გამოიყენება: საშინაო დავალებები, ქვიზები, ტესტები, ზეპირი და წერიტი გამოცდები, პრეზენტაციები, პროექტები და სხვა. სასწავლო კურსების მიხედვით სწავლის შედეგების გაზომვის მეთოდები განწერილია სილაბუსებში.

ცოდნის შეფასების სისტემა

სტუდენტის ცოდნა ფასდება 100-ქულიანი სისტემით. შეფასება მრავალკომპონენტია და შეესაბამება საქართველოს განათლებისა და მეცნიერების მინისტრის 2007 წლის 5 იანვრის N3 ბრძანებით დამტკიცებულ უმაღლესი საგანმანათლებლო პროგრამების კრედიტებით გაანგარიშების წესს. სტუდენტის ცოდნის შეფასების დროს, პროგრამის განხორციელებაში ჩართული აკადემიური და მოწვეული პერსონალი ვალდებულია გამოიყენოს ზემოაღნიშნული წესი. ცოდნის შეფასებისას გამოიყენება შემდეგი სქემა:

ხუთი სახის დადებითი შეფასება:

- (A) ფრიადი – შეფასების 91-100 ქულა
- (B) ძალიან კარგი – მაქსიმალური შეფასების 81-90 ქულა
- (C) კარგი – მაქსიმალური შეფასების 71-80 ქულა
- (D) დამაკმაყოფილებელი – მაქსიმალური შეფასების 61-70 ქულა
- (E) საკმარისი – მაქსიმალური შეფასების 51-60 ქულა

ორი სახის უარყოფითი შეფასებას:

- (FX) ვერ ჩააბარა – მაქსიმალური შეფასების 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება
- (F) ჩაიჭრა – მაქსიმალური შეფასების 40 ქულა და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი.

სასწავლო გეგმა

სასწავლო გეგმა შედგება რამდენიმე კომპონენტისგან:

- საუნივერსიტეტო ზოგადი განათლება
- სოციალური მეცნიერების საბაზო განათლება
- სოციალური მეცნიერების ძირითადი განათლება
- სპეციალობის არჩევითი საგნები
- პრაქტიკული განათლება
- არჩევითი საგნები

საგანმანათლებლო პროგრამას თან ერთვის კურიკულუმი და სემესტრული გეგმა.

ადამიანური და მატერიალური რესურსები

თბილისის თავისუფალი უნივერსიტეტი ახორციელებს საგანმანათლებლო პროგრამას გამორჩეული კვალიფიკაციისა და წარმატებული გამოცდილების მქონე აკადემიური და მონვეული პერსონალით.

საგანმანათლებლო პროგრამის განხორციელება უზრუნველყოფილია ფინანსურად და მატერიალურად. პროგრამის განსახორციელებლად უნივერსიტეტი გამოყოფს შესაბამის ფინანსურ და მატერიალურ რესურსს. საგანმანათლებლო პროგრამა განხორციელდება კახა ბენდუქიძის კამპუსში, რომელიც აღჭურვილია მაღალი ხარისხის განათლების მისაღებად საჭირო ინვენტარით და ყველა სხვა რესურსით.